

Fasnacht 2023

Blagèèri



e VSG Bangg

An dr Himmelstüür reedet dr Infantino uff dr Petrus ii
Ich bi doch no z'jung dass muess e Irrtum sii
Dr Petrus holt si Buech kontrolliert Soll und Haabe
Nach Spese bis 120, aigentligg gheersch ganz aabe

Dä wo's Biozenter grächnet hett
Bruchti Noehilf in Mathe jedi Wett
S'isch kai Yberraschig das muesch doch see
BIO koschtet immer mee

S ESAF hett de Buure hoffiert
Drum hett me Prattele au asphaltiert
S'Defizit nach em Fescht hebi alli blamiert
Dä vom Biozenter hetts schintz kalkuliert

Dr Berset, jo das isch nit zum Lache
Macht uffsmol so dubiosi Sache
Zum si Ruef verbessere hett är e Trigg
Schiggt Bundesrootsbeschlüss direggt an Bligg

Energiekriise, Tüürig, jo das trifft mi au
I due nimmi haize usser d' Lippe wärde blau
Dr Kümme fyr d' Faschtewaie due ich zum spare spalte
Und aimol ir Wuche duschi halt mit dr Alte

D'Esther Käller los das isch mir nit glich
Isch im Uffrisse besser als ich
In dr Freie kai Straife, die Blinde sind orientierigslos
Defyr unter Källert me schintz d'Clarastroos

Assistenzsystem in de neye Auto sind e Hit
Si hälfe im Verkehr jo si dängge fascht mit
Mängmol uff dr Strooss do bin ich gschoggt
S' Auto hett me Hirni als dä wo dinne hoggt

Schwätzt aine yberall drii
Denne muess dass e Blagèèri sii
Dä blödi Väs wo kain dryber lacht
Het min Computer vo sälber gmacht

E Burebiebli ma ni nit
Das isch zue Schuelzyte e grosse Hit
Hyte darfsch dä so nimmi bringe
Kasch doch nit yber Minderhaite singe

Z'Basel schriibt me schwarzi Zahle
Das macht sich guet so vor de Wahle
Lang hebt das nit, hän mir vernoo
Herzog+Demeron hän e Ufftrag bikoo

Wottsch au by uns bänggle?

Uff www.vsg-basel.ch erfahrsch meh!

